


مکرمات

❁ ادبی و سیاسی رسالهٔ اسبوعیه در ❁

۲۱ نجی سنه



۲۱ رمضان ۱۳۲۹

❁ پنجشنبه ❁

جزء عدد : ۱۱۳

(مابعد عن جزؤ ۱۰۹)

ماساژ یعنی مسح ایله تدای ایسه اینیوقرائتک معلومی ایش . معلوم اولدینی اوزره بواصول تدای مؤخرأ فلنک طبیلرندن (مچکر) طرفندن عالم طبـابـته ادخال ایله احیا ایدلمشدر .

وقتیه بر نوع (قنایب ۱) اصولی (ایدروته رای) دخی تطبیق اولمش وقفی الحقیقه قبل المیلاد برنجی عصرده (آسله بیاد دوبروسا) نامنده برطبیب طرفندن پک زیاده تطبیق واستعمال ایدلمشدر . موسی الیه بر چوق علاج ایله تدایونک دشمنی اولدیغندن ، مسلکدشی اولان (دوریهوفن) کبی برهبز ایتدیرمک ، یوریتک ، ماساژ ایتدیرمک ، صفوق صو دوشی یایدیرمق ایله تدای ایلردی . الحاصل یاغوره استحمام ، ایصلاق آیاقلر ایله قوم ایچنه گیرمک کبی صورت تدای توصیه وتطبیق ایلر ایش .

§

زمان قدیمده مقاصد فیهیه خادم اولق اوزره تشریح اجرا ایدلمشدر . تشریح خصوصی حیوانندن ماعدا جانلی جانلیر حقندهده تطبیق ایدلمشدر ، تشریح اجساد اسکندریه طبیلری طرفندن اجرا اولندیفی حالده آرسطو ، اسباب دینهدن طولایی هنوز بوخصوصه اجتناسار ایدمه مامشدر . قرون وسطی نک تکمیل قسم ابتدایسنده فتح میت عملیاتی - حتی پک زیاده منورالافکار اولان عربلر نزدنده دخی - ممنوع ایدی . ده ۱۴ نجی عصرک بدایتده فتح میت عملیاتی پایا طرفندن منع ایدلمش ایسهده ونیدک (سناطو) سی طرفندن بومنعویتک احکامنه رعایت ایدلماش وآنجق ۱۳۰۸ سنهسی تدقیقات تشریحیه مقصدیه

(۱) قنایب باوراده برپایاس ایدی که خسته لری یالین آباق چامورده کزدیرردی .

سنه ده بر جسد اوزرنده قح میت اجراسنه مساعده وقرار ویرلمشدر . (براغ)
شهرنده دها دردنجی شارلک زمان حکومتده حبسخانهده بر جانی بولنان مقاصد فنیه
ایچون خنجرله اتلاف ایدلدکدن صکره ، نعی تشریح ایدلمشدر . فقط اون بشنجی
عصردن بری بوزنجیر آهنین ممنوعیت کسر ایدلمش و تشریح خصوصی صورت
منتظمده اولهرق دارالفنونلرده درس صرهنه کیرمشدر .

§

کوزده حصوله کلوب (مسافر) دینلان آق ، اون سکزنجی عصرک
وسطنده عدسه عینهک بوشلقنه ایندیرملکله تداوی ایدلمکده اولدینی حالده
حدقهدهکی بردهی چکوب چقارمقدن عبارت اولان عملیات ۴۰۰۰ سنه مقدم
اسکی (پاپیروس نه بر) . معلوم ایش و زمان قدیمده دخی اجرا ایدلدیکی حالده
مؤخرأ قرون وسطی ده بسبتون عدم آباد نسیانه آتیشدر .

§

۱۶۱۹ سنهسی ، دوران دمی کشف ایلیان (هاروهی) ک برسانی اولوب
برنجی (سلهوقسک) طبیب خصوصیتی اولان (کتونه روسیسترانی) و کذا
(غال) قانی یورکدن بدنه نشرایدن طمره تعیین ایدن مشهور فرانمنزک کشفیاتنه
یک زیاده تقرب ایشلرلردر . فقط مصر قدیمده بونک دخی بر سلفی وارایدی که
مومی الیه دوران دمه دار معلومات ابتدائیه واقف بولنیوردی . قلب سوپایی
خستهلقنک باشلامسنی طبق بوگونکی دوقتورلرکی استراحت ایله تداوی ایتمکده
ایدیلر .

حتی (ماندراغور) (تفاح بری و یا عبدالسلام) کوکی ایله مخلوط بر مخدر
(نارقوتین) دخی قدما عنندنه معروف ایدی . (دیوسقزید) ک روایتنه نظرأ بو
واسطه ایله خستهلرده حصوله کلان اوپوشوقلق ، حسسنزلک اوچ درت ساعت
قدر امتداد ایدرمش . باک اوتی (زوسکیم) ک دها (اومپروس) زماننده (نارقوتین)
اولهرق استعمال ایدلدیکی مبتدر .

میلادك ۱۲ نجی و ۱۳ نجی عصر لرندہ صورت عمومیدہ مسكن آلام واضطراب مقامندہ استعمال ایدلمش و (كی دوشولیاك) طرفدن ۱۳۰۰ دە ، حتی قطع عضو عملیاتندہ قوللائلشدر . ۱۴۶۰ سنہ سنده هاری فون قلوبونند « اجزای مختلفه » اسمندہ کی کتابندہ قبل العمليات آفون ، باك اوتی ، عبدالسلام ایله نارقوتین تنفس ایتدیرلدیکنی تعریف و تصویر ایتمکده در .

§

صنعی کوزلر ، صناعی دیشارلرخ و قتیله اعمال ایدلمشدر . قرون وسطاده ائک اول بر صناعی کوزك بر شخص ذی حیاتك کوز چیقورینه وضع و تطبیق ایدلدیکنی تعریف ایدن ذات ، فرانسر جراح لرندن مشهور (آمبروواز پاره) در . ۱۵۶۲ سنہ سنده مینه لی آلتونندن ممول بویه بر کوز اعمال ایتمش وفي الحقیقه آکا رنگ طبیعی بی اعطایده موفق اولمشدر . فقط (پاره) ، کندیسنی بو اصولك موجودی عد ایتمکدن ماعدا بونك یکی برشی اولدیغنه بیله قائل اولمامشدر . کوتس فون برلینجن کن ، ۱۵۰۴ سنه سی (لاندس هوت) محاصره سنده صاغ ائی ضایع ایتدیکنندن ناشی ، کندی ایچون اعمال ایتدیردیکی دست آهین تقریباً فون کوتسدن ۱۰۰ سنه مقدم رن نهرنده غرق اولان و ۱۸۲۴ سنه سی آلت روین جوارنده رن نهرینك قهرنده قلیچی ، مهمیزی و ساره سی ایله برابر آلی بولنان بر شوالیه کبی ، سلفی اولدقدن ماعدا آجیق کوز بر رومالی دخی عین واسطه یه توسل ایلشدر .

قارتاجنه لیلرک ایکنجی حربنده ضایع ایتدیکی ائلك یرینه بر دست آهین تصنیع ایتدیرن قهرمان بنامك آدی سرزییوس سیلوسی (یاصی برون) ایدی که او آل ایله استادانه بر مهارت و جسارت ابراز ایلشدر . بو جسور جَدك افعال قهرمانانه سنی حکایه و روایت ایلان پیلینوس دیورکه سارلری انسانلره مظفر اولدیلر ، فقط سرزییوس بالذات مقدرات و طالعه غلبه ایلدی .

§

مالاریانک اسباب اصلیه فی تشکیل ایدن باسیلر حقننده (وارو) بر فکر مخصوص ایدمش ایدی. مومی الیهک باناقلق محللرده غایت کوچک و کوز ایله غیر قابل رؤیت حیواناتک تشکیل اتمکده اولدیفی وهوا واسطه سیله آغز و برون دلیکلرندن ایجری کیره رک ضعیف البذیه اشخاصک افساد واخلال مختلرینی آساج ایلدیکفی یازمشدر. فلنکلی دو قنور (قوت) ایسه آنجق ۱۷۲۶ سنه سی عین فکری پیدا ایلش و حیوانات صغیره ایچون مهج ورم صفتی و برمش و بو حیواناتک نفس ایله بلغ اولنه جفی دوشونمشدر. احتمالک امراض سارونک اسبابی بو اولدیفندن، بناء علیه شاری نظریله باقق لازم کلیر.

§

ویتروو پیوس مملاری عنوانلی کتابنک طقوزنجی فصلنده (ناقسامتره) الی عربهلری تعریف اتمکده در. بو عربهلرک دینکلملرنده سباعث و میل اشارتلی موجود اوله رق هر دفعه بر میل مسافه قطع اولدیفی زمان عربهنک دوشمنسی تحتسده طونجندن معمول بر قاپ درونه صداسی ایشیدیلجک صورتده بر کوچک طاش سقوط ایدر ایش. بوسقوط ایدن طاشلر تعداد ایدیلجک اولورسه نه قدر میل قطع ایلش اولدیفی آکلاشیلور. بالطبع بویه بهالی عربهلرک دخی استعمال ایدلمکده بولنش اولدیفی مثبتدر.

سفاهتپرست (قومودوس) اک متروکاتی میانشده بویه بر قاج عربه دخی موجود اوله رق (پرتیناقس) بونلری سار قیمتدار اشیا ایله برابر مزایدهیه وضع ایلشدر. قومودوس حتی اتوموبیله دخی مالک بولنیورمش. پولیوس (قایتولینوس) اک پرتیناقسک ترجمه حاله دار یازمش اولدیفی کتابک سکزننجی فصلنده کی تعریفانندن بشقه درلو آکلامق ممکن دکلددر. مومی الیه طرز جدید اوزره اعمال اولنش و اوک طرفنده قوشوم حیوانانندن عاری اوله رق تکرلکلرینک غایت ماهرانه دوشونلش ترتیبات میخانیکیه واسطه سیله متحرک بر عربهدن و کندی محوری اطرافنده بالذات حرکت ایدن مغالطه لی دیشلی چرخ ترتیباتندن بحث اتمکده در. بو عربهده عربه چینک یری شعاعات شمسیک تاثیراتندن مصون بولنه جق صورتده

ترتيب ايدلمشدر . اوطوريله جق يرلر دخي يولچيلرلڭ اثنای حرکنده روزکاری دایما آرقه طرفده بولندیره تیلک ایچون دؤار ایمش .

داهی شهر ژورژ باقون ۱۲ نجی عصرده بئشکرار بو حیثیت بخش اثر میخانیکیدن بحث ایلشدر . مومی الیه «نولیتانه ماژییا» عنوانلی کتابنده دیورکه : حیوانسنز اوله رق بر سرعت فوق العاده ایله حرکت ایدمیله جک عربهلر اعمال ایتمک تمکنندر . بوندن بشقه اوجق ایچون آلتلر دخي اعمال ایدیله بیلیر . که وسطنده اوتوران بالذات بر مانیولایی تدویر ایتمکله قوشلرلڭ قنادرینه مشابه بر نوع قنادرلڭ آچیلوب کرلمسیه اعتلا و پرواز ایدیلور . دیمک اولوزکه (رایت) برادرلرلڭ برسلفی !

زمان قدیم اوتومات آلتلر ایجاد و اعمالنده دخي خارق العاده زنکین بولمقده درکه سفینه هوائییه دورنده (آرشیئاس فون نارانت) لڭ اخشاب گوکرچینلری بالخاصه جالب حیرت اولوب ، فی الحقیقه آز بر زمان ایچون هواده کی پروازی تمام ایدمرلڭ زمینیه نزول ایلدیکی زمان آراتق بئشکرار هوالانه میورمش . ادمتریوس فون قالهرون (بطائله حرکت ایدن بر سموکلی بوجکه مالک ایمش ، تحت البحر حرکت ایدن استمبوط یا بمق فکری دها اهل صلیب محارباتی اناسنده میدان چیقمشدر . واقعا بک ابتدائی برحاله بولنوردی . سالامون و (مورولف) لڭ اشعارنده قالین دریدن اعمال ایدلمش بولندی ، آبدینلق آلق ایچون ایکی پنجره سی اولدیغی و تنفس ایچون بر بوری نی حاوی بولندی بیان ایدلمکده در . حقیقت حالده بویله بر استمبوطک وجوده کثیریلوب کتیرلمدیکی وارسون مشکوک قالسون . هر حالده ۱۴ نجی عصرده بوکا نمائل تحت البحر بر ایستیمبوط و یا طالعج سندالک یا بیلش اولان بر رسمی موئیخده سرای و حکومت کتبخانه سنده موجود بولمقده در .

{ مابعدی کلجک نسخه ده }

